



V.2





東征集卷三

漳浦藍鼎元玉霖稿

天長王者輔近顏評

復制軍論築城書

築城鑿濠臺中第一急務當星速舉行者也。承諭但
住官兵不用議及民居乃因時制宜節用愛人至
○宜○包○民○居○一○句○已○明
第思設兵原以衛民而文武衙署倉庫監房俱關
大似未可但護兵丁而置其餘于度外也。○倉○庫○關盜賊小人

耿耿之視惟在帑金而監房關係同夥囚繫則謀劫監越獄情

所必至倉卒之際以官為主官無恙則法尚存未敢

遽掠民居而民亦無驚擾潰散之患此定理也官無

大小失一則羣情慌亂而賊志張揚兵威挫衄故謀

事必出萬全雖不能多及民居亦當合文武衙署倉

庫監房包裹在內乃可戰可守可以言城若謂兵既

減少城大難于照看則內地各府縣戍守之兵或千

或百皆有包羅衙署民居之城況兵既二千亦不為

少有急則住眷良民皆可登陴協守似無照管不周

原不憂城大

亦不憂難于照管

不憂兵少

之弊。但土城木城職等再四籌咨。未見其可。臺地徹底粉沙。築之不堅。膠之不實。欲依憲諭。以挖濠之土。不灰不磚。而成五尺厚二丈高之牆。萬萬不能牢固。即使勉強堆築。風雨一至。立見崩墮。將徒勞而罔功。此土寨之不可也。深山伐木。遠運以來。所費不貲。承諭內外兩重植立。以沙土實其中。復用厚板蓋頂。則必深豎密布。所需之木。何啻山積。雖暫時亦堪守禦。而歷久終歸朽蠹。蓋木性乍乾乍濕。逾年卽壞。旣已植築爲城。半埋沙土。騎陽曝則膚理裂開。雨露濡則

腐○枯○立○見○其○勞○民○傷○財○不○下○灰○磚○而○復○不○能○以○經○久○
則○木○寨○亦○未○善○也○沙○灰○土○三○合○築○牆○之○寨○此○則○可○行○
灰○可○載○牡○蠣○之○殼○築○窰○自○燒○而○沙○土○亦○須○運○載○蓋○必○
粗○沙○如○豆○米○顆○粒○及○山○間○實○土○方○可○和○灰○非○此○處○細○
粉○沙○泥○可○用○則○工○本○浩○大○與○砌○磚○為○城○相○去○無○幾○職○
等○愚○見○以○為○不○為○則○已○為○則○必○要○于○固○土○木○即○可○權○
宜○錢○糧○總○無○出○辨○似○不○如○明○題○請○
地○制○宜○
到○底○不○肯○苟○且○
所○以○要○因○

旨○就○臺○地○特○開○捐○輸○城○工○事○例○于○萬○壽○亭○寬○曠○處○所○
用○灰○砌○磚○築○一○不○大○不○小○之○城○將○文○武○衙○署○倉○庫○監○

房俱包在內。深鑿濠塹。密布椿簽。方爲長久。至計鳳
山諸羅營縣一例。倣此行之。不知執事以爲何如。一
時之勞萬世之利也。職等凡庸識淺。以爲此事關係
臺疆安危。卽係國家東南沿海治亂。似不可苟且塗
飾。惟執事留意焉。

爲地方創立萬世之業。自不容苟且塗飾。說得明
白透快。具見公忠。爲國剗犀斷蛟手段。

曰。此。外。具。良。公。忠。誠。

國。降。最。淵。淵。事。君。

臣。以。大。師。之。尊。身。之。重。自。不。容。言。且。望。借。諸。君。

而。此。事。留。意。

臣。聞。文。武。四。時。因。宋。東。南。而。南。亦。廣。以。不。可。勝。且。重。

和。之。德。萬。世。之。味。也。雖。善。人。而。難。矣。以。為。此。事。關。於。

山。前。羅。營。總。一。何。如。此。行。步。不。味。醉。事。以。為。何。故。一。

我。身。自。在。內。氣。聖。新。連。空。亦。然。於。文。為。身。入。至。信。鳳。

與制軍再論築城書

於萬壽亭曠地築一小城建文武衙署倉庫於中尚
是畏難苟安之見因憲札內有兵民雜處難於稽查
等語故云然耳夫設兵本以衛民而兵在城內民在
城外彼蚩蚩者不知居重馭輕之意謂出力築城衛
兵而置室家婦子於外以當蹂躪夜半賊來呼城門
而求救無及矣論理宜包羅民居爲是北從總兵大
營後圍起環臺灣縣署而東跨溝爲水門遂包東嶽
廟臺灣縣學鳳山公館南包郡庠防廳臺廈道公署

西包天后宮番子樓而北環左營遊擊營署計一週

不過十里

惟截出中營萬壽亭春牛埔土塹埕渡頭

在外其餘文武衙署學宮城隍倉庫牢獄包括靡遺

尚未及興化漳州郡城之大其形勢則北跨高坡臨

形勢亦要緊

海東北當北路要衝東南控扼南中二路南瞰鬼子

山土塹埕西俯海岸鯤身安平鹿耳爲捍門方得建

郡形勝其三面皆無民居止截斷土塹埕一帶須清

通達國體之言

民屋但爲地方大利亦不得顧惜小害計算應毀房

舍若干將節省營建衙署費用量直周給所損少而

所全多國家大事惟斷乃成幸卽具題請

旨開輸磚石城工事例諸羅鳳山皆可刻日行之不
筆有千將小儒望而咋舌
然終是道旁築舍未見巧婦能爲無米之炊權宜而
用土木偷安止在目前勞民傷財不能經久若止防
衛官兵俾蚩蚩者心寒而齒冷非經國安邊之道也
申說臺郡關係正見所全者多
統計字內全局則臺灣爲海外彈丸黑子似在無足
重輕之數然沃野千里糧糈足食舟楫之利通天下
萬一爲盜賊所有或荷蘭日本所據則沿海六七省
皆不得安枕而卧關係東南半壁治亂非淺鮮也鄙

見若斯。惟執事裁之察之。

經理一方却關中原形勢見得海外巖疆不比他處郡邑介在可有可無間筆下斬截當推絕調

與臺灣道府論殺賊書

北路餘孽剽掠鹽水港豎旗六加甸恣其克頑目無
王章可恨極矣已經擒獲楊君林君李明等輩擬于
明日會訊分別斬馘茲聞尊議欲按律成招押解省
城聽制撫審題正法此常理也但某愚見竊有欲參
末議者安靖地方原不必拘牽文法況在軍中無人
人審解之例所謂得情哀矜施之良民則爲德施之
叛亂則爲縱而况甫平思亂既赦復叛此曹尚可活
哉今解入內地不能不扳仇復怨牽累無辜恐民間

人人自危且上下審駁奏報往返動隔經年雖彼時

民情實是如此

萬刃碎礫民已忘記不知為何人何事矣目前冤憤

着眼在此所以不

不伸客嗟詛說此聲曷可聞也海外反側地非樹威

為婦人之仁

不足彈壓奸徒無所畏憚將何以為定亂之資詎可

以仁慈之治治之吾于就撫者加之恩力擒者棄諸

市情法分明任其自擇庶可淨盡根株耳旦日會審

有擔當

將梟示眾定人心而固疆圉有罪某自當之軍中義

亦是正理

得專殺無預諸君事也某非立意嗜殺無仁人好生

之心正惟好生不得不以殺止殺亂賊不殺害及善

良○刑○法○將○安○所○用○而○亂○賊○尚○不○可○殺○則○又○何○賊○不○可○
為○將○刑○法○亦○不○勝○其○用○鄙○見○如○此○未○知○當○否○同○舟○共○
濟○勿○吝○相○商○某○白○

迅雷嚴霜筆筆斬截却有和風慶雲之氣行乎其
中以所言皆大公至正定亂保邦之要道非一味
肅殺者比也然小儒望之已舌撝不能收矣

東征集卷三

七

答道府論陳福壽入山書

承惠教以杜君英實爲戎首。此時尚匿山中。傾側靡
常。不宜輕遣陳福壽往與相見。福壽罪大惡極。爲
國家不赦之人。已經奏報就撫。萬一復偕君英逃去。
則身名隨之。具見足下愛我之深。甚爲感謝。但某亦
嘗思之。福壽不往。君英不來。一片疑團待此以決。我
輩至誠待人。奈何使人疑之。料福壽已無去志。即使
君英搖唇鼓舌。無改於窮蹙顛連之狀。安能使福壽
舍安而就危。舍生而就死。此必不得之數也。况君英

欲出。自是實情。彼當倡亂之初。聲勢猖獗。更甚于朱。

一貴。比及陷郡。欲與一貴爭王。迨後吞併相攻。敗走。

虎尾溪。其衆尚四五萬。王師入郡三日。彼尚有八。

千人。屯踞猫兒干。今亡命至此。晝伏夜奔。八千子弟。

俱歸何處。卽縱陳福壽與俱入山。無衣無食。能再集。

八千人否。卽使招至數萬。亦不過如曩時。君英終有。

今日則亦何益之有。君英此時如夢初醒。斷斷不復。

出此也。彼在山中奮飛。無路聞江國論。陳福壽等美。

衣豐食優。游自在。早已心動欲出。但恐爲人所欺。竿。

首市曹不過欲見福壽○一問誠否實非敢有他念○是以福壽雖病某亦令載牛車強遣之去○又未嘗不爲過慮○密諭施恩陳祥當機相度或有他變則揮刀先斬○福壽徐割其首級以報亦可以伸○朝廷之法然竊料君英必無異志明日午後當來請移大駕到此間會同質訊可也○

窮寇乞命自無他虞雖道理時勢具在眼前却無人敢如此決斷以陳福壽關係匪輕萬一有失身名隨之敢或爲姑試哉福壽一往君英便來果然

不出所料固由其識之明見之定亦公忠爲
國之心不可及也

覆制軍臺疆經理書

十月既望。接到憲檄。內開臺疆經理事宜八條。翼日
又奉諭札。再加四條。具見未雨綢繆。為臺地蒼生謀
善後之策。職等自當遵命。次第舉行。亦有愚昧無知。
胸中未能悉達。不得不略屬僚奉上之文。而講師生。
質疑問難之誼。伏惟憲臺少加垂察。臺灣海外天險。
治亂安危關係。勢○關○係○不○輕○國家東南甚鉅。其地高山百重。平
原萬頃。舟楫往來。四通八達。外則日本琉球呂宋噶
囉吧。暹羅安南西洋荷蘭諸番。一葦可杭。內則福建

廣東浙江江南山東遼陽不啻同室而居比鄰而處。門戶相通。曾無藩籬之限。非若尋常島嶼郡邑。介在可有可無間。值茲寇亂風災之後。民生凋瘵。大異本來富庶面目。然風俗尚多澆惡。奸宄未盡。革心網密。則傷網疎。則犯治安之政。宜嚴而不宜寬。將安將治之民。宜靜而不宜動。伏讀憲諭。羅漢門黃殿庄朱一貴起事之所。應將房屋盡行燒毀。人民盡行驅逐。不許往來耕種。阿猴林山徑四達。大木叢茂。寬長三四十里。抽藤鋸板。燒炭砍柴。耕種之人甚多。亦應盡數。

撤回篷廠盡行燒毀。檳榔林爲杜君英起手之處。郎
嬌爲極邊藏奸之所。房屋人民皆當燒毀驅逐。不許
再種田園。砍柴來往。以上四條防患拔根。至周至決
職等再四思維。一人謀逆。九族皆誅。亂賊所居之地。
○哭○言○善○入○雖墟其里可也。惟是起賊非止數處。數處人民不下
數百家。則亦微有可慮者。人情安土重遷。既有田疇
廬舍。室家婦子環聚耕鑿。一旦驅逐搬移。不能遍給
以資生之藉。則無屋可住。無田可耕。失業流離。必爲
盜賊。一可慮也。其地旣廣且饒。宜田宜宅。可以容民。

畜衆而置之空虛。無人鎮壓。則是棄爲賊巢。使奸宄
便于出沒。二可慮也。前此臺地。何人非賊。國公將軍
而外。僞鎮不止千餘。今誅之。不可勝誅。俱仍安居樂
業。而獨于附近賊里之人。田宅盡傾。驅村衆而流離
之。隣賊之罪。重于作賊。三可慮也。臺寇雖起。山間在
郡十居其九。若欲因賊棄地。則府治先不可言。况郎
嬌並無起賊。雖處極邊。廣饒十倍于羅漢。現在耕鑿
數百人。番黎相安。已成樂土。今無故欲蕩其居。盡絕
人跡。往來則官兵斷不肯履險涉遠。而巡入百餘里。

無○人○之○地○脫○有○匪○類○聚○衆○出○沒○更○無○他○人○可○以○報○信○
四○可○慮○也○鋸○板○抽○藤○貧○民○衣○食○所○係○兼○以○採○取○木○料○
修○理○戰○船○爲○軍○務○所○必○需○而○砍○柴○燒○炭○尤○人○生○日○用○
所○不○可○少○暫○時○清○山○則○可○若○欲○求○求○禁○絕○則○流○離○失○
業○之○衆○又○將○不○下○千○百○家○勢○必○違○悞○船○工○而○全○臺○且○
有○不○火○食○之○患○五○可○慮○也○疆○土○旣○開○有○日○闢○無○日○蹙○
臺○地○宋○元○以○前○並○無○人○知○至○明○中○葉○太○監○王○三○保○舟○
下○西○洋○遭○風○至○此○始○知○有○此○一○地○未○幾○而○海○寇○林○道○
乾○據○之○顏○思○齊○鄭○芝○龍○與○倭○據○之○荷○蘭○據○之○鄭○成○功○

又據之。

國家初設郡縣管轄不過百餘里。距今未

四十年而開墾流移之衆延袤二千餘里。糖穀之利

甲天下。過此再四五十一年連內山山後野番不到之

境皆將爲良田美宅萬萬不可遏抑。今乃欲令現成

村社廢爲坵墟厲禁不能六可慮也。曩者諸羅令周

鍾瑄有清革流民以大甲溪爲界之請。鳳山令宋永

清有議棄郎嶠之詳。今北至淡水雞籠南盡砂馬磯

頭皆欣然樂郊爭趨若鶩。雖欲限之惡得而限之。職

等愚見以爲人無良匪教化則馴地無美惡。經理則

不。能。行。

雖。聖。人。亦。

旋。乾。轉。坤。上。手。聖。人。無。以。易。也。

善莫如添兵設防。廣聽開墾。地利盡。人力齊。鷄鳴狗吠相聞。而徹乎山中。雖有盜賊。將無逋逃之數。何必數切因噎廢食。乃爲全身遠害哉。今竊議于羅漢內門中埔庄。設汛防兵三百名。以千總一員駐劄其地。郎嬌亦設千總一員。兵三百。控扼極邊一帶。三六九期。操演之外。准其自備牛種。就地屯田。以爲餘資。雖險遠而弁兵便焉。檳榔林在平原曠土之中。杜君英出沒庄屋久被焚毀。附近村社人煙稠密。星羅碁布。離下淡水營內埔庄汛防不遠。無庸更議。至各處鄉民欲

入深山採取樹木。或令家甲隣右互結。給與腰牌。毋
許胥役需索牌費一分一釐。聽從其便。伏讀憲檄。添
防之制。宜速議定。以便題覆。夫今所宜更議者。惟
羅漢門郎嬌而已矣。外此則移八里岔汛千總駐劄
後壠。爲半線淡水適中之地。及添設文員諸事。尚未
舉行。其餘俱經遵照憲檄。於南路添設下淡水營守
備。帶兵五百。駐劄新園。設岡山守備。帶兵五百。駐劄
濁水溪埔。扼羅漢門諸山。出沒竇徑。北路添設半線
守備一營。帶兵五百。居諸羅淡水之中。上下控扼。聯

守備
營帶兵五百
絡聲援以諸羅山守備駐劄笨港增兵二百名添設
下加冬守備一營兵五百郡治添設城守遊擊一營
兵八百與鎮標三營相埒再加羅漢門郎嬌各添設
汛防兵三百則全臺共計增兵三千六百名較憲檄
前指之數止多一百但此三千六百之兵必須請
旨額外添設就內地各標營分額招募按班來臺如
往例三年一換然後內地不至空虛無顧子失母之
病諸羅地方遼濶鞭長不及應劃虎尾溪以上另設
一縣駐劄半線管轄六七百里鹿子港雖口岸扼要
卽今之彰化縣

離半線僅十五里。不用再設巡檢。將巡檢設在淡水。
八里坌兼顧雞籠山後笨港。設巡檢一員。駐劄笨港。
佳里興巡檢。仍還佳里興。駐劄帶管目加溜灣。移典。
史歸諸羅縣治南路鳳山營縣。雖僻處海邊。不如下。
埤頭孔道衝要。然控扼海口。打狗眉螺諸港。乃匪類。
出沒要區。當仍其舊。不可移易。添設鳳山縣丞一員。
駐劄搭樓稽察阿猴林篤佳等處。彈壓東南一帶山。
庄下淡水巡檢一員。不許留郡。仍令駐劄下淡水稽。
察淡水以南各庄及諸海口。臺鳳諸各縣各練鄉壯。

五百名在外縣丞巡檢各練鄉壯三百名無事則散
○此○古○民○兵○之○法○
之隴畝有役則修我戈矛鄉自爲守人自爲兵此萬
全之道也伏讀憲檄營伍操練宜勤虛冒舊弊宜除
○如○讀○武○侯○心○
塘汛分防宜變通三者皆極切當時弊有兵不練與
○書○
無兵同兵不能識將意將不能識兵情是謂烏合器
不與手相習手不與心相應是謂生疎職每誠諭臺
屬標營定以三六九日按期操演三令五申如臨大
敵又爲之捐造仗房鎗炮火藥以足其用其分防外
汛之兵大汛每駐一二百人亦令如期操演查足器

械塘兵專遞公文。多人無益。每塘止定三名。小汛之
兵。不上數十人。分作兩班。赴就近大汛操演。不許懶
惰。有操期不至者。大汛記名。逐月造冊報查。又不許
無故擅離汛防。凡有逃亡事故。立即報移內地調補。
不許在臺招募一人。以滋弊竇。違者叅革其官。務使
地皆實兵。兵皆可用。前此虛冒名糧之弊。盡行廓清。
獨將弁書識一項。未能遵諭革絕。蓋緣武人不學者。
多鮮有親操翰墨。而兵馬錢糧文移冊籍。非可全憑。
口說。且自古軍中字識。名將不廢。若用其人而不給。
體貼人情。

其糧情理亦未甚協。不揣愚瞢。妄爲酌議。臺鎮中營
遊擊及各營守備。應各予書識八名。外營遊擊各六
名。千把總雖係微員。亦不可全無一字。應予書識各
一名。水師副將十名。南北二路叅將各予八名。總兵
書辦十六名。使粗足備具文書。不至如從前冒濫將
伙糧盡行禁革。可謂節嗇至矣。未審憲臺以爲有當
否。臺地少馬。無以壯軍容。而資衝突。今擬鎮標三營
城守一營。各設馬兵六十名。南路北路二營。各設馬
兵八十名。共該馬四百匹。卽在添設三千六百兵額

之內請

旨配撥先自內地帶馬來臺以後換人不換馬或有
倒斃方就臺地孳生買補時或孳生不足亦向內地
採買以來則無苦累民番之處伏讀憲檄除奸務盡
附和倡亂之徒非脅從可比應將黨惡創懲黥其左
面同家屬押逐原籍拘管稽查復承列單開出名數
深得火烈民畏鮮死之義臺網久漏吞舟民不知國
法爲何物安逸而思爲亂階甫平而又圖復起所以
九月間舊社鹽水港六加甸等處奸民職等不敢不
○已○不○止○黥○面○矣○

九月間舊社鹽水港六十九年

便宜行事梟斬四五人杖斃六七人以定民心而固

疆圉然則黥面烏能止亂哉今尚未及三閱月復有石壁寮羅漢門一二亡

命表布散流言欲燃死灰聚黨二十八人遂敢豎旗為

孽可笑可憐可憎可恨職等分遣搜捕立獲為首蔴

瓜成蘇清高三楊美王教五人暗答除奸務盡現今整衆搜山八面

焚烈務必盡絕根株不留種類除蔴瓜成一名係朱

一典偽國公應解憲轅聽候題達正法其餘蘇清

楊美及續獲諸賊職等又將于軍前權行專擅竿首分別斬馘不但黥面

藁街使莠民喪膽東土永寧其潛通奸匪附和接濟

之人。照憲檄處分。押回原籍。惟是黥面。雖羞。畢竟一。

藥。卽去。似不如馘耳。之不可復續。較便稽查。其五月。

嚴不。宜寬。宜靜。不。宜動。處處相照。

間舊賊已散。爲民者非奉憲行。及他有所犯。槩不問。

及所以開更新之路。使安靜而不自危也。伏讀憲檄。

要口設備。議建鹿耳門。砲城。水陸分守。竊謂鹿耳門。

城止用修築。不必從新建造。蓋其港暗礁淺沙渺茫。

紆險。非有顯然門戶。可以導道而行。故須設立盪纓。

原。是。天。險。

標記。指引迷途。毫釐偶差。立見虿粉。雖不砲城固亦。

未易入也。前此癸亥平臺海潮驟漲。巨艦連舫並排。

而入今夏大師進剿潮水亦高數尺皆賴

朝廷洪福海若效靈遊魂喪魄夫豈砲城之故哉且

更爲顯豁

臺賊多自内生鮮由外至倘賊來自外則郡治兵將

是反爲賊設險

雲屯百萬蒼黎未易侵擾若賊起自內雖隆砲之城

至于天非徒無益反爲漳泉內地之害職等所見不

廣以爲因仍補葺厥功已多此刻物力困憊俟他日

另議可耳臺地民番雜處狼子野心頑良參半建築

城池確不可易前請暫開磚石事例執事旣以爲難

而土城木城又難成而不能經久則亦末如之何耳

茲承憲檄。栽竹爲城。價廉工省。此亦因時制宜。不得
不然之勢。謹卽會同勘度。環萬壽亭。春牛埔。將文武
衙署。兵民房屋。沿海行舖。俱爲包羅。種竹圍一周。護
以荆棘。竹外留夾道。寬三四丈。削荆棘。桐插地。編爲藩
籬。逢春發生。立見蒼茂。桐外開鑿濠塹。苦臺地。粉沙
無實土。淺則登時壅淤。深則遇雨崩陷。多費無益。止
可略存其意。開濠廣深六七尺。種山蘇木。濠內枝堅
刺密。又當一層障蔽。沿海竹桐不周之處。築灰牆出
地五尺。高可蔽肩。爲雉堞。便施鎗砲。開東西南北四

門建城樓四座。設橋以通來往。量築窩舖十二座。以
當砲臺。如物力不敷。城樓未建。植木柵爲門兩重。亦
可暫蔽內外。茲會委署臺灣縣孫令。量明丈數。擇日
興工。每十丈令設竹簽一桿。杙于地中。高五尺。廣三
寸。編于字文爲號。卽于某字號下。寫管工某人姓名。
照天地青黃次序。不許錯雜。統計全城共幾號。管工
幾人。先造一冊呈送。以便稽查。每丈需竹幾株。桐幾
柯。濠幾工。每種竹一株。需錢幾文。插桐十柯。需錢幾
文。開濠一丈。需錢幾文。舉一丈而全城價直瞭然。胸

中○不○可○欺○誑○工○有○勤○惰○按○號○稽○查○竹○有○榮○枯○按○號○栽○
補○可○無○彼○此○推○卸○含○混○侵○漁○三○年○之○後○叢○生○茂○密○雖○
未○及○石○城○堅○好○然○亦○已○牢○不○可○破○矣○郡○縣○既○有○城○池○
兵○防○既○已○周○密○哀○鴻○安○宅○匪○類○革○心○而○後○可○施○富○教○
而○臺○灣○之○患○又○不○在○富○而○在○教○興○學○校○重○師○儒○自○郡○
邑○以○至○鄉○村○多○設○義○學○延○有○品○行○者○爲○師○朔○望○宣○講○
聖○諭○十○六○條○多○方○開○導○家○喻○戶○曉○以○孝○弟○忠○信○禮○義○廉○
恥○八○字○轉○移○士○習○民○風○斯○又○今○日○之○急○務○也○若○夫○征○
臺○將○弁○雖○効○微○勞○俱○是○臣○子○分○內○當○爲○之○事○臺○地○員○

安○臺○藥○石○

大○儒○經○世○之○言○

臺將弁雖効微勞俱是臣子分內當爲之
缺無幾安能人人升擢况蒙憲恩格外獎勸躁進爭
心未應不肖至此此何足煩憲臺諄諄遠念哉職等
狂言切直總爲地方起見有懷欲達煩冗不文伏惟
憲臺諒其心而恕其罪則幸甚

全臺形勝利病民情事勢朗豁胸中而出之以昌
明斬截之筆遂覺沉痛淋漓不啻迅雷啓蟄此絕
大力量絕大經濟非僅僅安臺手段也

身行錄卷三

三

覆制軍遷民劃界書

望後二日。連接憲檄臺疆經理事宜。已經條分登答。備細覆上。想此時尚在舟中。未達記室。茲又承到憲檄。臺鳳諸三縣山中居民。盡行驅逐。房舍盡行拆毀。各山口俱用巨木塞斷。不許一人出入。山外以十里爲界。凡附山十里內民家。俱令遷移他處。田地俱置荒蕪。自北路起至南路止。築土牆高五六尺。深挖濠塹。永爲定界。越界者以盜賊論。如此則奸民無窩頓之處。而野番不能出爲害矣。執事留意海疆。可謂諄

諄切摯。議論高明。爽快直截。地方果能如此。文武皆

雖是將順。句中有。

可卧治。何其幸也。惟是臺地自北至南一千五百餘

里。山中居民及附山十里以內之民家。未經查明確

實。不知其幾萬戶。田園不知幾萬畝。各山隘口不知

竟似認真。未行妙。

幾何處。應俟委員勘核造冊報聞。但天下非常之事。

婉轉。

必非常人。乃能為某等籌度。再四未得善處之方。理

合復請指示。免致臨局倉皇。惟執事明以教之。欲遷

開口便令技窮。

數萬戶之民居。必有可容數萬家築室之處。而此數

萬家又不能不耕而食。必有可容十數萬人耕種之

田則度地居民爲此日第一急務矣。今全臺山中之地既欲盡棄附山平地。又棄十里。卽以三十里而計。已去一千五百餘里之三十里。截長補短。應得縱橫各四百五十里之地。以爲被遷之民之田。疇廬舍不知此地從何撥給。所當籌度者一也。人情安土重遷。非盡戀戀故地。亦苦田舍經營所費不貲。富家棟梁瓦桷。可以搬赴新居。工匠牆垣。亦費其十之六。貧家至土舍茅簷。無可移用。一經遷徙。則當從新建。蓋以亂後殘生。露肘跣足。饔飧不繼之貧民。何以堪此茅綯。

土。木。之。繁。費。嗟。嘆。之。聲。既。不。忍。聞。勢。不。得。不。有。以。資。亦。少。不。得。
之。每。屋。一。間。給。周。恤。銀。五。錢。計。費。錢。糧。五。六。萬。兩。不。又。一。難。
知。動。支。何。項。所。當。籌。度。者。二。也。各。山。隘。口。未。知。幾。何。
卽。以。羅。漢。門。一。處。而。論。已。有。三。四。路。可。入。則。此。一。千。
五。百。里。之。山。其。隘。口。不。止。百。計。每。口。伐。木。挽。運。百。夫。最。少。如。此。
亦。須。三。五。日。計。用。人。夫。不。下。三。五。萬。不。知。係。官。自。僱。平。常。二。
募。抑。或。派。之。于。民。所。當。籌。度。者。三。也。一。千。五。百。餘。里。語。駭。人。聽。聞。
之。界。牆。一。千。五。百。餘。里。之。濠。塹。大。工。大。役。海。外。僅。聞。
計。費。錢。糧。不。下。十。萬。兩。將。給。之。自。官。則。無。可。動。支。之。

項將派之於民則怨聲四起必且登時激變所當籌
度者四也寇亂風災之後民已憔悴不堪百孔千瘡
俱待補救即使安靜休養時和年豐尚未能遽復元
氣況又有棄去田宅流離轉徙之憂即使有地築舍
有田開墾而五錢之惠從○百○心○寓○體○貼○出○來○天○理○人○情○之○至○能成屋宇幾何雜草披荆能
望西成幾何況又有無資可藉無地可容之憂民遂
肯餐風宿露相率遷移于無何有之鄉大荒廣莫之
野乎民而肯遷豈不甚善假如強項不依曉曉有詞
將聽其不遷而中止乎抑以兵威脅之乎所當籌度

者五也。既已三令五申，費盡心力，復聽其不遷而中
止，則憲令不行，是教民刁悍而開抗官犯上之風，非
所以爲治也。若以兵蹙之，使移則民以爲將殺已，抗
拒亦死，不抗拒亦死，必制梃與官兵爲敵。至于敢敵
亦遂不容不殺矣。無故而殲我良民，於心有所難安。
好下殲不盡則禍不已，殲之盡則人又不服。既上乖
朝廷好生之德，又下失全臺數百萬之人心，所當籌
度者六也。自古以來有安民無擾民，有治民無移民。
雖以盤庚之聖，商民有魚鼈之憂，然而遷殷一役，舌

敝唇焦至今如聞其咨嗟太息可見安土重遷本非
易動况無故而使千五百里之人輕棄家鄉以餬其
口於路乎開疆拓土臣職當然蹙國百里詩人所戒
無故而擲千五百里如帶之封疆為民乎為國乎為
沸○矣○土番盜賊乎以為民則民呼冤以為國則國已蹙以
為生番殺人則劃去一尺彼將出來一尺界牆可以
潛伏可以捍追正好射殺民人以為欲窮盜賊則千
五○百○里○無○人○之○地○有○山○有○田○天○生○自○然○之○巢○穴○此○又
盜賊逞志之區不知於數者之外或他有所取乎夫
亦○自○笑○無○謂○

事必求其有濟謀必出於萬全循斯檄也以行能必
其有濟否無濟而不召亂猶之可也殘民而有功於
國亦未爲不可也能必其不召亂不殘民而又能有
功於國則算出萬全矣不然願執事之熟思之也

以極有謨畧幹濟定亂之偉人忽然有此怪檄殊
不可解豈功成智昏江淹才盡抑欲以試地方文
武之本事擔當歟前面許多婉轉竟似認真要奉
行一樣以後層層剝入步步逼緊直令一辭莫措
可謂善于挽回

論臺變武職罪案書

臺灣失事武職七十餘員。分爲三案勘覆。陣亡殉難
及劉得紫等不失臣節諸人。可無疑議。其餘棄地逃
歸。在臺從賊一槩輕擬。此乃道府文員欲行善事。非
鄙人所敢掠美也。從賊諸員皆以踪跡未明。請親覆
訊。逃歸諸員則以逃之一字軍法所忌。槩用退澎二
用代○字○訣○非○婦○人○而○何○字代之。婦人之仁其實可笑。國家刑賞異用。所以
鼓勵臣節。爲斯世存三綱五常。使知禮義廉恥之外。
尚有誅戮可畏耳。有春夏而無秋冬。則四序不成。有

慶正○大○賞而無刑威則亂賊接踵故魯人肆眚春秋譏之
惟佛氏慈悲買虎蛇放生而已矣李由陳喜等六弁
既經從賊失身辱國則罪同叛逆之科戀不忍誅

○老○辣○

奚爲乎周應龍玩寇陷臺實爲戎首喪師棄地潛逃

泉州張彥賢王鼎等六員坐視其協主許副將之戰

死而不救棄城聯踪逃去澎湖與直走泉州之王丑

皆不容於堯舜之世者也此輩平日享榮華糜祿俸

○繪○出○庸○人○小○照○

無事則耀武揚威小警則垂頭喪氣養成叛亂挈家

奔逃朝廷封疆棄若敝屣倘聽優游漏網其如

○實○在○有○傷○國○體○豈○

國家體統何況守土之臣文武一例文員無兵不能
抵敵道府廳縣梁文煊等一走澎湖尚在封域之內
即已駢首市曹周應龍張彥賢等有兵有弁可以殺
賊澎湖又屬他境泉州則在千里之外遁逃獨遠反
可晏然從寬何其苛於文而厚於武也某武人豈不
自愛其等竊恐九原之下梁文煊等有所不服且許
副將忠魂亦必怒髮裂眦痛心疾首不肯使奸人獨
生何則天下事惟公惟正可以使人信服消宇宙不
平之氣此曹可免竿街則梁文煊等皆為枉死失出
如○此○比○照○總○

失入二者必居一於此矣某與道府同舟共濟意在

協恭和衷既已曲從所議何必爲此無益之繁詞但

恐執事以柔懦暗昧見責謂武人欲效慈悲不知

道○理○不○可○不○明○

國體則某不任受也應否從寬從嚴執事自有定見

不必以某言爲疑某止表白其心迹亦自知嫉惡太

嚴有失厚道惟執事恕而教之

同一棄地逃歸在文職則駢首市曹在武弁則市

恩姑息且併從賊者亦寬之成何法紀篇中議論

正大可以維持世道人心非刻薄也

論劉得紫書

原任臺鎮中營遊擊劉得紫品行端方性情溫雅本
非小就之器今陷賊不屈忠貞之操深可嘉尚全臺
士庶既已衆口一詞某又確勘真實所謂從容就義
臨大節而不可奪者殆其人歟某自入臺以來閱人
甚多所敬且愛惟此君耳雖盛怒之下見其來則欣
然以喜渠雖名節既成不圖仕進某竊願執事特疏
褒旌以爲千秋志士之勸更冀題補閩缺快此邦士
民耳目且使地方收得人之效一舉而數善備也在

某○非○有○所○私○實○爲○世○道○人○心○起○見○見○奸○回○不○忠○則○欲○
殺○欲○割○見○忠○臣○義○士○則○欲○泣○欲○歌○賤○性○固○然○惟○執○事○
勿○吝○成○人○之○美○綱○常○名○教○端○有○賴○焉○某○白○

忠臣義士不啻威鳳祥麟自非有胸無心安能淡
漠置之寥寥數語一片熱腸使海外蠻方知有綱
常名教此功更爲不小

東征集卷四

漳浦藍鼎元玉霖稿

天長王者輔近顏評

論臺鎮不可移澎湖書

臘月望後三日。連接憲翰五函。及馬守備安遊擊口述鈞諭。俱令某暫駐臺灣。不可遽爾班師。竊惟此時臺中大定。署鎮黃總兵足資彈壓。以某越俎久淹。自顧亦覺無謂。况廷議已令臺鎮移澎。易來副將是一

總兵處此尚嫌其多而某又爲蛇足獨留不去竟似
貪戀雞肋殊堪羞慚裁營減兵之說臺人聞知頗有
囂囂偶語者某告以部議未足爲定必待督撫提臣
遵依具奏方可施行茲承憲檄減兵及裁回將弁名
數某尚秘不宣露望早晚或有變更若果臺鎮移澎
則海疆危若累卵憲臺亦欲確遵部議耶○事○急○矣○不○得○不○言○部臣不識
海外地理情形憑臆妄斷看得澎湖太重意以前此
癸亥平臺止在澎湖戰勝便爾歸降今夏澎湖未失
故臺郡七日可復是以澎湖一區爲可控制全臺乃

○根○由○確○是○此○意○
○先○推○部○議○

故臺郡七日可復是以澎湖一國

有此議不知臺之視澎猶太倉外一粒耳澎湖不過

澎不足恃

水面一撮沙堆山不能長樹木地不能生米粟人民

不足資捍禦形勝不足為依據一草一木皆需臺厦

此言臺之

若一二月舟楫不通則不待戰自斃矣臺灣沃野千

險要

里山海形勢皆非尋常其地大于福建一省論理尚

說異

當添兵易總兵而設提督五營方足彈壓乃兵不增

而反減又欲調離其帥于二三百里之海中而以副

此言易將之弊權不歸一必至

將處之乎臺灣總兵果易以副將則水陸相去咫尺

誤事

兩副將豈能相下南北二路叅將止去副將一階豈

能俯聽調遣各人自大不相統屬萬一有事呼應莫
靈貽悞封疆誰任其咎以郭子儀絕好証佐九節度之師而不
立元帥統攝尚且師徒潰散況今日耶澎湖至臺雖
不過二三百里順風揚帆一日可到若天時不清颶
颶連綿浹旬累月莫能飛渡臺中百凡機宜鞭長不
及以澎湖總兵控制臺灣極言澎湖不能控制臺灣幾于一字一淚猶執牛尾一毛欲制全牛
雖有孟賁烏獲之力總無所用今在廷臣工莫有敢
出一言爲

皇上東南半壁封疆之計何異欲棄臺灣乎臺灣一

皇上東南半壁封疆之計何異欲棄
去則泉漳先爲糜爛而閩江廣四省俱各寢食不
寧山左遼陽皆有邊患某庸愚無識以爲此土萬萬
此處重加慨嘆所以聳動諸公
不可委去特恨位卑人微處不可言之地想憲臺與
中丞呂公提軍姚公必有一番議論爲社稷蒼生回
天指日或會疏入告或密摺婉商造萬世無疆之
福非某所敢饒舌也若遵部議而行必悞封疆彼時
刺入督撫心窩
九卿豈肯平分其咎某杞人妄憂中心如焚非特爲
桑梓身家之慮惟望恕其狂瞽且賜明示解惑焉
危言切論幾同賈生痛哭緣地方安危所係不激

烈不能動聽一片公忠爲國苦心令讀者亦爲
着忙幸提軍據以入告遂得轉圜如舊全臺治
安斯文之力也

覆將弁矜功缺望書

伏承憲檄。以提標前營遊擊林秀。澎湖協右營守備
林亮。及千總胡廣等三人。並怙功自矜。心懷缺望。每
有不平之色。時出怨誹之言。令某當衆嚴加申飭。此
自憲臺教誨盛心。激勵裁抑。以玉於成。遵卽傳集將
弁。宣布飭檄。俾皆退然自斂。無再伐善施勞。致于咎
戾。惟是三人情性不同。謙肆各別。有宜畧加優容。不
必一槩督責者。不○必○必○爲○隱○諱○而○功○能○自○異○林秀缺望所不能免。但彼在軍。頗爲
出力。卽如大穆降追賊。將弁有未勇往者。秀遽以軍

令驅之且申文請斬遊擊齊元輔以肅軍紀則其目

○久居人下○

中不有同列也久矣後見南北二路叅將員缺俱昇

他人不能無怨命不平之氣然此國家驍將也其

舉動雖不循規矩而膽畧可嘉有事疆場不惜軀命

似當于驪黃牝牡之外別立一格待之如馭惡馬不

可使之蹠齧又當勿吝每食盡穀一石以稱其量此

日誠諭裁抑使彼降心下氣如背負芒倘遇副叅員

缺不妨破格題遷俾喜過望恩威並濟未有不愧感

交集者也林亮平臺先登論功第一固人人而知之

不待其自矜表白但某所敬亮者尤在保守澎湖爲
功之大當朱一貴作亂之初臺灣報陷澎湖將弁議
棄澎湖各遣家屬登舟亮以一末弁排衆議仗劍奮
呼遂固疆圉不特義勇冠三軍其于臣節亦皎然星
日矣鹿耳先登安平先登西港先登未嘗自鳴得意
至于入府之日諸將或貪小利封人舖屋獨亮部伍
肅然不動民間一草一木今臺平已經逾載諸將紛
紛遷轉副叅遊都累累若若獨亮依然守備在廠督
修戰船盡心竭力如治家私無一毫怨誹不平之氣

庶幾當于古賢將中求之區區遊擊一官尚兩載不
可得所當亟懇憲臺計功錄用以服軍前將士之心

者也胡廣雖干總未弁然鹿耳門奮勇奪險實從林

亮先登乘勝攻克安平大戰鯤身收復府治勞績顯

著加以人材魁偉氣度亦異僅處偏裨之任尚未足

稱其才况令久屈未弁至今弗獲寸進不平怨誹亦

屬常情惟在憲臺急加擢用將感激圖報之弗遑而

亦何缺望之有總之三人雖有純疵之分俱皆

國家良將林亮林秀英勇無敵胡廣技能亦屬出眾

而亮更有巧思製造魯公車子母礮不推自行戰船
○愛○精妙弗可思議又加之以賢德洵卓卓不可及也三
人所就俱不可量風聞之語亦難盡信惟執事稍加
優容焉

功成已久將士遷擢紛紛獨首功之人爵賞不及
尚欲以缺望責之亦大難乎爲情矣然在庸手不
過代請寬容爲將弁申辯並無怨誹而已此偏說
他不宜久屈怨誹的是一則曰破格題遷一則曰
計功錄用一則曰急加擢用可見君子必反求諸

已不可一味責人直是掀揭大手段諸將弁有不
感激流涕願爲之死者乎筆下清剛老辣亦有萬
夫不當之勇

論舊兵停餉撤回內地書

舊○兵○收○回○効○力○已○經○半○載○有○餘○搜○捕○操○防○並○無○失○伍○
開○口○便○有○不○可○去○之○意○
忽○承○憲○檄○以○二○千○餘○名○糜○餉○不○貲○且○其○昔○日○在○臺○皆○
失○封○疆○之○士○不○能○効○死○覩○爲○賊○民○宜○一○切○革○去○名○糧○
逐○回○內○地○見○今○冬○餉○卽○爲○停○止○某○竊○思○之○此○輩○從○前○
失○地○損○威○辱○不○必○復○責○之○國○罪○不○勝○誅○業○蒙○憲○恩○寬○大○檄○令○于○
王○師○進○討○之○時○奔○投○大○軍○歸○正○効○力○是○以○前○後○收○伍○
有○此○二○千○餘○人○自○閏○六○月○領○給○糧○餉○至○今○隨○征○南○北○
入○山○搜○捕○奮○勇○前○驅○已○忘○其○爲○前○此○失○守○之○士○矣○今○

追論前過。在彼自無可辭。但以從前憲檄為欺。已干。不○可○謂○非○欺○
心亦微不服。賊醜跳梁。全臺俱陷。文武員弁紛紛竄。
逸遊擊周應龍。張彥賢等四五十員。或逃或匿。從賊。○可○謂○放○飯○
失節俱皆覲然。軍前効力未聞。市曹之上正法一人。○當○
獨責舊兵。以不能効死。恐彼將嘵嘵有詞也。昔日勿。○自○歸○咎○
為收伍。彼自垂頭去矣。收伍之後。依然官兵。月給餉。
糧養家贍口。今一旦盡為革除。失其生計。仰事俯育。○實○在○可○畏○
將何所資。怨望積于中。飢寒迫于外。欲保其不為盜。
賊蓋憂憂乎難之。頃奉部檄。總兵官移駐澎湖。裁去。

臺灣水陸兩中營減兵二千士庶囂囂懼亂復作一
二無賴布散流言正在安戢釋疑焦心勞思之不暇
豈容復益以二千餘名之舊兵革糧怨憤攘臂一呼
○是○大○言○恐○嚇○無賴子弟皆起而爲盜賊非綏靖邊疆之道也某幸
○可○謂○公○忠○大○臣○荷知己言聽計從事關國家不敢因循召變謹封
還憲檄乞執事再爲熟思可否念其還伍已久効力
半載仍聽在營操防出自格外弘恩倘萬不得已欲
去其籍亦須姑遲一兩月檄令內地各營班兵來臺
換回彼在此間則有二千餘人及其換回內地分散

八府一州每營不過二三十人然後徐飛一紙裁革
○做○事○自○不○同○也○
名糧此在執事掌握中耳何必張皇急遽驚動海疆
之聽聞乎勿謂蚩蚩其勢可畏束縛窮蹙禍起目前
不知執事以爲何如也

僨軍失地殘卒原可不必收回旣已檄招還伍効
力半載又豈可一旦盡革海外反側地方人心驚
惶之際無故激出二千餘人怨憤生事殆哉岌乎
封還憲檄是公忠爲國手段末後又未嘗不爲
善處宜其捷于轉圜也

論征臺壯丁停餉歸農書

伏承憲檄以征臺壯丁千餘人不在經制兵額之上
月摩糧餉無處開銷今地方事定可即停止司糧論
令回籍務農無許留滯臺灣或致生事竊思其曹召
○尋○出○底○案○便○難○開○口○
募之初原許給與名糧造入兵籍俾出死力以建功
名上功題薦特用中功輪補把總餘皆編為經制如
例拔擢隊目是以壯丁感激奮勇前驅○藉○其○功○凡有戰陣所
向無敵今地方事定正論功行賞之秋酌酒相慶願
望功加部劄者不知凡幾一旦停止月糧令回農畝

將無視爲空中霹靂可驚可愕之事乎滿腔熱血所

望功名捐軀命冒鋒鏑膏塗原野而弗顧豈其志在

一語令人不忍再讀

一兵奈何併一兵而革之怨憤之氣上干天和嗟嘆

之聲心傷行路如之何其可也小人無知曉曉有詞

謂事急欺我以出征事平束我于高閣昔許我官今

此是實話却已刺骨

吝我糧人而無信不知其可鳥盡弓藏復見今日某

惟有啞然慙然實不知將何以對之君子不可失言

于氏况煌煌憲諭墨藩未乾豈可遽自食言受卜輩

以口實灰軍前將士之心塞將來得人死力之路

以口實灰軍前將士之心

謂執事當必不然耳海外反側之地人衆至千

不爲隄防使千餘人扼首遵命覓舟配載亦已駭

耳目萬一掉臂弗必○然○之○勢難中止攝以○天威遂成

此曹昔在○以原皆亡命之徒所以招○事司言

潛消伏莽○僅欲得其死力出○人言

人當百倘○今激變皆爲○敵豈能以○以盡

某謂此千○人萬不可棄棄此強兵○爲可○惜

失信之名○自處艱難之地似不如○勿○以○五太

各營老弱○以補○國家儲育用之○以爲

收得人心。一舉數美。望執事勿吝轉圜。爲清詞
急迫。唐文公爲文。惟收回原檄。俯賜中止。然非
事急則藉人死力。事下則束之高閣。古今通弊。
君子不可不知。如文信可羞激變更。可羞即使爲
不能變而烏盡口藏之。何可聞也。篇中
缺足令當。學者通身汗下。補益多多。

請班師書

臺灣已經大定。軍士久役思歸。班師之期。再不容緩。○班師之意。兩言而決耳。
臘月十四日。守備葉應龍到臺。詢知粵省姚提軍。改
調廈門。不勝手額。既有金門黃總兵署理臺鎮。足資
彈壓。新提軍又慶得人。東南鞏於磐石矣。此時山際
廓清。南路阿猴林。北路大武壠。中路羅漢門等處。所
有窟窠。俱已搜尋。焚山烈澤。寮棚燬盡。匪類逃散。湮
滅無踪。雖王忠劉富生二人未獲。亦已狼狽顛連。無
地逃生。旦暮就縛。此後或有妄報訛言。執事亦不必

聽○之○矣○此○間○莠○民○固○多○而○捕○風○生○事○獻○諛○要○功○之○輩○
更○復○不○少○一○紙○入○報○雷○厲○霆○飛○非○賊○而○加○以○賊○名○無○
故○移○人○之○村○落○驚○疑○四○起○家○家○自○危○此○召○亂○之○道○也○
某○在○此○間○尚○不○自○量○恃○蒙○執○事○之○愛○每○封○還○憲○檄○爲○
民○請○命○皆○荷○仁○恩○寬○大○終○賜○曲○從○是○以○地○方○諸○凡○相○
安○不○覺○若○某○行○後○誰○復○肯○專○擅○任○過○以○撓○大○憲○之○逆○
鱗○依○文○行○文○或○至○擾○動○不○可○收○拾○敢○期○執○事○將○前○後○
密○差○在○臺○採○訪○弁○員○悉○爲○撤○回○一○切○地○方○事○宜○惟○臺○
道○府○縣○是○問○彼○職○司○民○社○擔○負○在○肩○治○亂○安○危○事○關○

○正○理○

確○不○可○緩○

可○爲○大○臣○

切已未必皆視隔膜不如差弁之盡心且平日讀書
明理閱歷世務未必俱皆暗昧不如差弁之聰明某
不學無術竊謂鷹犬止可以獵狐兔不宜他有所用
勿論此輩把持不定利欲薰心所言未必皆實即使
矢念不欺難保其不爲人欺惟執事加之意焉新提
軍歲內可至某當躬趨赴厦交代兵符不便久留臺
中致滋物議請飭在厦舳舻星速來臺配載班師曷
勝望切

採訪以防壅蔽然亦多至悞事以可信任者少也

安得地方官皆能封還憲檄爲民請命哉議論淋漓沉痛迫切可令輕聽者通身汗下

覆軍前將弁可當大任書

曩承密札從征將弁可當提鎮之任者令具甄別高

下臚列薦知不勝惶悚夫人非久于相聚安敢遽定

其生平况功名有數原不必盡皆稱量朝編卒伍暮

擁節旄李廣難封馮唐易老誰雌誰雄亦似難以一

言斷也况某淺陋粗疎素未有知人之明偏見測度

恐未必中但以憲諭諄諄不得不據臆妄談惟執事

權衡斟酌焉水師提標前營遊擊林秀南澳鎮左營

守備呂瑞麟皆剛愎傲上有好大飛揚之氣然胆畧

並優勇敢出羣實國家之驍將也秀矜誇瑞麟沉

鷲秀不拘細謹瑞麟凜于操持弗擁節旄二人俱弗

必○掀○髯○曰○知○我○也

肯已但瑞麟似較遠大耳閩安協左營遊擊朱文小

確○是○定○評

心謹慎雖剛毅不足可當一面藩籬之寄汀州鎮左

營遊擊王紹緒整飭營伍有輕裘緩帶之風福寧鎮

右營遊擊郭祺老成練達海壇鎮左營遊擊謝希賢

簡易果敢雖不無鹵莽之處要自瑕不掩瑜撫標左

營遊擊邊士偉曉暢軍務金門鎮右營遊擊薄有成

質直嚴肅陸路提標右營守備康陵壯猷沉厚漳浦

營守備蘇明良謙和謹飭烽火營守備蔡勇雄偉樸
實興化協左營守備劉永貴剛勁端嚴諸人氣度似
許○節○鉞○亦○不○差○一○二○
與偏裨稍別皆太平之良帥也澎湖協右營守備林
○純○全○品○諸○直○似○
亮平臺首功且有抗守澎湖之大節人品將畧在軍
○天○半○孤○峰○
前諸將以上提鎮之任靡所不宜將軍標右營遊擊
魏天錫海壇鎮右營守備魏大猷係同胞兄弟皆奇
○奇○人○
諳水性能頂盔束甲游海面又能赤身入海底潛行
○水○怪○
一二百里如安平鎮至臺灣府水程五十里大猷天
錫入海中潛行頃刻卽至同安營守備葉應龍銅筋

鐵骨刀棍不能傷以石擊其頭石反碎三人皆奇傑
卓犖非尋常將弁可比畀以封疆誰曰過分但魏天
錫已病恐不及待節鉞耳千總董方胡廣李郡林君
卿皆將帥才董方好大矜功恐未免爲人所嫉胡廣
勇銳英發李郡厚重精明殊不可量林君卿果敢質
實罔憚勤勞四人皆志切上進不願以偏裨自擬雖
見居下弁勃勃有封疆之氣未可以名位微末少之
其餘諸將所見未真不敢強解大抵英才尚多昂昂
千里嚶嚶志氣自以爲武莛頗牧欲取斗大繫肘後

便○許○節○鉞○可○謂○巨○眼○

今改姓王

未○弁○

固人人如一轍也。或才雖庸而福則厚，器不足而遇料有餘。天下事非可以意見測度，亦在用之而已。用然精語後知長短，惟執事權衡斟酌焉。不揣冒昧，憑臆臚列。執事秘勿示人，免衆人怨謗。口舌則幸甚。

征臺將弁甚多，獨評論此二十人以二十人矯矯出衆，可望節鉞，則人才之盛極矣。褒貶精嚴，使諸人神氣躍躍紙上，寫生妙手也。○十年之內，膺節鉞者已十有二人，餘可拭目俟之。出所料外者，僅總兵齊元輔一人。當時何不奏上全璧，然亦不必。

東征集卷四

請寬楊姓株連書

伏讀憲檄林亨等一案。飭捕南北餘孽。及調遣水師
兵丁策應。具見去疾務盡苦衷。但中間有于溝尾楊
地方督責楊姓窩藏叛逆。着落究出楊來。將楊族俱
遷內地。原籍安置等語。則職等竊有欲叅末議者。溝
○高○唱○說○明○見○得○此○族○非○叛○者○尾楊非他。卽溝尾庄楊旭等一族是也。楊旭、楊石、楊
雄聚族倡義。誘擒賊首朱一貴、翁飛虎、張阿三、王玉
全等。方蒙賞賚。又欲擢用數人。補授弁職。此族豈肯
復萌異志。窩頓楊來。設使楊來未死。亦必在內山深

處○彼○平○居○作○賊○害○人○况○云○竿○首○藁○街○豈○敢○復○出○優○游○
里○社○此○等○奇○貨○誰○能○忘○情○欲○洩○忿○者○已○多○欲○獻○功○者○
亦○復○不○少○而○溝○尾○庄○去○諸○羅○邑○治○二○十○里○當○孔○道○之○
衝○楊○來○母○妹○尚○不○敢○安○其○居○逃○匿○他○所○正○月○中○旬○正○
遍○處○緝○拿○楊○來○母○妹○之○日○而○謂○來○安○坐○家○中○與○陳○法○
相○見○招○集○爲○匪○莫○過○而○問○有○是○理○乎○賊○口○鴟○簧○此○類○
甚○多○雖○不○敢○不○信○爲○真○以○密○爲○訪○緝○亦○不○可○遽○信○爲○
真○以○輕○滋○擾○累○從○來○亂○賊○激○夥○皆○用○此○計○必○誣○指○良○
民○飛○殃○煽○禍○使○黑○白○混○淆○無○地○逃○生○今○日○風○傳○欲○拿○

○肝○足○令○輕○信○者○羞○死○

○道○破○奸○人○激○亂○心○

某處明日風傳欲勦某村人心惶惑厭畏官府因有
鋌而走險墜其奸謀此之不可不慮也溝尾庄楊姓
數百人聚居已久室家婦子相安耕鑿今以莫須有
之楊來之故遂令闔族遷徙棄而田疇舍而廬舍是
無罪有功之民流離失所于堯天舜日之下作賊亦
死不作賊亦死鳥窮則搏獸窮則鬪勢必臨以兵威
將此數百人盡行誅滅而後可已竊恐誅滅此庄他
奸計庄又懼誅滅以訛傳訛將安所屆刻下三林竹仔脚
兩案大盜未能悉數擒獲埔姜林水沙連大湖臺灣

山後諸說。正在傳疑。未能徹底廓清。鎮靜密訪。則以
不刊次就縛。如捕雞豚。發擿過急。則驚疑四起。必生他變。
職等受恩深厚。不敢不竭狂瞽之言。惟祈垂諒採納。
以安全臺人心。裨益非淺鮮耳。職雖庸駑。然於地方
之事。日夜廢寢忘餐。並無寧刻。深山窮谷。開闢以來。
人跡不到之地。尚欲以番通番。深入搜求。冀得擒獲。
嘆也逸賊淨盡根株。況在郊關之內。通衢大道之中。苟真
有窩匿楊來及王忠等類之處。斷無敢掩耳閉目聽。
其安然自在。致費憲心遠慮之理。伏惟察照俯賜中。

川地方幸甚

原情按事審勢度理無一不周天下豈有冤民乎
最愛其不識諱忌欲言則言侃侃烈烈淋漓痛快
所以能救楊氏一族者在此若瞻顧囁嚅則不能
動聽楊禍烈矣一讀一擊節摩娑不忍置

三行集

二

論前卷六十一

論哨船兵丁換班書

臺澎水師換班之兵自當悉數遣發不使私留一人。
諭旨當遵憲令亦不敢違也。但哨船中舵繚斗旋各
兵則有不可更易者。蓋闔船性命關係數人之手而
臺澎洋面橫截兩重潮流迅急島灣叢雜暗礁淺沙
處處險惡與內地迥然不同非二十分熟悉諳練夫
寧易以駕駛哉。內地所來換班之兵雖曉水務畢竟
礁脉生疎不可倚賴而習熟可賴之舵工水手則內
地水師各營俱欲留以自用誰肯舍已讓人縱令換

此亦常情

橫洋利害

船中要緊

班于遠勢必以疎劣嘗試苟且塞責以朝廷戰艦

官兵供斯人美錦學製之具希圖徼幸于萬一蓋亦

危矣幸得苟安無事以庶幾港道漸熟瞬息三年瓜

期又至終不能長有此人不幸而中流風烈操縱失

宜頃刻之間不在浙之東廣之南則扶桑天外一往

不可復返即使收入臺港礁線相迎不知趨避衝磕

一聲奮飛無翼以朝廷戰艦官兵斷送于換班舵

繚之手是良法美意適以傾人性命斯亦當宁所

惻然傷心不忍聽聞者也夫事有經權法有通變與

其悔之於後何如慎之於初執事經濟宏深忠誠爲
國不識尚有轉圜之機可於此中畧爲籌畫否上則
繕疏入告次則設法酌留依阿隱忍坐觀其敝諒
高明必不出此惟執事留意焉

是非利害之故言之痛切令閱者神悚心開不敢
輕談更張事保全人性命不少

東征集卷四

三

復呂撫軍論生番書

望後二日接讀教言。惓惓地方心焉。識之。臺中奸宄。變幻百出。雖厚集儼臨。尚恐不足鎮壓邪心。若移鎮澎湖。往來巡視。謂可安靖地方。則仰賴聖天子威靈。士民福命。外此全無可恃之處也。生番殺人臺中常事。此輩雖有人形。全無人理。穿林飛箐。如鳥獸猿猴。撫之不能勦之。不忍則亦未如之何矣。惟有于出沒要隘。必經之途。游巡設伏。大張砲火。虛示吾威。使彼畏懼而不敢出耳。然此皆由于地廣人

余勦撫二字再無他法

所謂不攻疾而務

○養○氣○氣○氣○氣○夫○之○義○也○
稀○不○闢○不○聚○之○故○非○因○侵○擾○而○然○蓋○生○番○所○行○之○處○
必○林○木○叢○茂○荆○榛○蕪○穢○可○以○藏○身○遇○田○園○平○埔○則○縮○
○以○處○之○之○方○
首○而○返○不○敢○走○過○其○殺○人○割○截○首○級○烹○剝○去○皮○肉○飾○
髑○髒○以○金○誇○耀○其○衆○衆○遂○推○爲○雄○長○野○性○固○然○與○民○
人○墾○畝○採○樵○生○鬻○全○無○干○涉○亦○無○熟○番○仇○殺○推○諉○生○
番○之○事○某○已○准○提○軍○咨○移○特○遣○前○營○林○遊○擊○帶○兵○百○
人○前○往○會○同○營○縣○設○法○防○閑○或○可○稍○爲○斂○戢○究○未○有○
長○策○也○然○則○將○何○以○治○之○曰○以○殺○止○殺○以○番○和○番○征○
之○使○畏○撫○之○使○順○闢○其○土○而○聚○我○民○焉○害○將○自○息○久○
數○語○是○馴○番○秘○輸○

之生番化熟又久之爲戶口貢賦之區矣但畫界避
制府經濟○未知之句
番之議方起此說且存而勿論可也

威之使畏然後可以施恩制之有方然後可以嚮
化千古馭番之法無過于化

東征集卷四

三

請行保甲責成鄉長書

○直○敘○有○樸○茂○之○意○
臺疆遼闊已極臺民不馴特甚皆內地作奸犯科逋
逃萃止豺心鼠性隨處欲張邇者北路地方竊劫頻
聞涓涓之勢漸不可長苦防汛照管不周真有顧此
遺彼之患兼班兵自遠新來良匪情形路徑要害皆
生疎弗能熟悉延建汀邵福興福寧兵丁音語不同
不能細偵密訪如枘鑿方員之不相入卽有二千協
防尚不足供措置况又有掣回之憂茫茫千里星星
○單○實○爲○可○慮○
塘汛勿論移鎮澎湖必致覆餗卽駐臺亦難高枕而

卧也。某夙夜兢兢，惟恐有辜。

朝廷付託之重，負知已培植之恩，實切悚惶。所望二

三賢能文職，振奮精神，以實心行保甲之實政。家家

戶戶自爲清革，使盜賊無自而生，聯絡聲援，守望相

助，如常山之蛇，擊首則尾應，擊尾則首應，使盜賊無

托足之地，雖不設立官兵，亦何不可？但今保甲之法

久已視爲具文，虛應故事，莫肯實心料理，而署事各

官又皆有五日京兆推諉，後人之意，真末如之何也。

團練鄉兵亦是靖盜一法，憲臺以其亂後强悍成性，

欲仁漸義摩納之禮讓之中誠爲移風易俗要道但
今盜賊衆多不可不先爲剔刮鄙人愚見以爲作賊
洞悉民情直截痛快可以欺官不可欺民能避巡兵不能避鄉里莫若因
其勢而防範之就各縣各鄉僉舉一幹練勤謹有身
家顧惜廉恥之人使爲鄉長就其所轄數鄉家喻戶
曉聯守望相助之心給之遊兵以供奔走使令之役
如有之一家被盜則前後左右各家齊出救援堵截各
處要口務必協力擒獲又設大鄉總一二人統轄各
鄉長督率稽查專其責成鄉長有生事擾民縱容奸

匪緝捕不力。救護不齊等弊。大鄉總稽察報查。如有失察一體同罪。是雖無鄉兵之名。而衆志成城。不啻有鄉兵之實。今擬臺灣中路設鄉長六名。南路鳳山設鄉長八名。每縣各立大鄉總一名。統轄之。北路諸羅設鄉長十二名。立大鄉總二名。分轄之。每鄉長一名。准給養遊兵四名。大鄉總一名。給外委千把總銜。卹以榮其身。准養遊兵十名。其遊兵名糧每月銀一兩米三斗。就官庄內支給。以爲瞻養之資。計三縣遊兵一百四十四名。每月支銀二百四十四兩米四十

三石二斗三縣鄉長共二十六名。大鄉總四名。應給養廉多少。憲臺酌量定奪。伊等工食既皆仰給于官。則與官兵一例。文武均行約束。調遣無敢不從。凡地方有竊劫盜賊。就各鄉長跟要限期緝獲。解官究處。初限不獲。拘遊兵比責。再限不獲。鄉長罰月糧。工食戴罪圖功。三限不獲。拘鄉長正身重懲。大鄉總記大過一次。凡盜賊不能緝獲。至三次者。鄉長責革。大鄉總追銷外委職牌。以示懲勸。雖月糧似覺傷重。但爲地方之利。自不得顧惜小費。欲行節省。則每名每月

責成極好

亦。可。當。做。添。六。

銀七錢五錢亦可。米三斗不易也。無月糧則彼將生
之勢事擾民以爲食。非徒無益爲害更大。且天下亦無枵
體貼人情腹而爲人辦事之理。必有資其養廉方可責以清操。
大鄉總能幹練辦公勤謹。三年無過犯。有綏靖地方
實蹟。量行擢用以示鼓勵。某庸陋無知。總爲地方念
切。廷議既不肯添兵不得已。而思以人治人之道。
極妙任用得人。便可不勞而理。不知憲臺以爲何如也。
雖不得已之計。其法實本之管子而文之切近精
實亦似之。

請權行團練書

凡事有經有權。似當隨時變通。難膠一定。曩讀憲檄。
是○急○則○治○標○之○義○
安輯地方事宜。有團練鄉勇在臺地。萬不可行。宜興
保甲之法。以鄉約義學。柔和其心性。此誠移風易俗
要道。某拳拳服膺。日勸文職。實力作興之矣。但臺民
錮蔽已深。犯亂成習。一時未能悉化。每有亡命之徒。
調○養○
時作死灰復燃之想。邇者林亨、李咸、陳法等倡亂于
南。顏煙招誘山際餘孽。鼓煽于北。雖經次第就擒。奸
謀潰敗。搜捕山窩。掃清逋藪。不意三林地方復有焚

汛奪舟之變。隨遣舟師出洋。多方追緝。復發陸兵前
往三林協防。以壯聲勢。乃初九夜。竹仔腳地方。復有
賊殺塘兵之事。據守備劉錫報稱。風聞奸匪百人。旗
幟甚多。又諸羅令稟摺稱。賊夥在八槳溪小溪洲。拜
旗而行。搶殺塘汛某一面。調遣官兵圍搜堵截。勦捕
一面。差人密訪。則竹仔腳塘人烟聚集。左右共數百
家。去歲杜君英過此。尚須向民假道。決非小賊所敢
輕造之區。而汛塘左右店舖布疋貨物。並無搶奪一
件。亦無戕傷一人。獨殺兵丁可疑。殊甚。旗幟多人之

說止據本庄如此傳聞詢之他社皆云未見此可知
一語破的
賊不在遠也果有聚衆拜旗搶殺塘汛則放肆披猖
何辭以對
非同小可此等作何聚集從何而來鄉民豈無知覺
並不先事首報及我塘兵亦無庄鄰救護卽曰黃夜
衆寡不敵獨不可尾追踪跡窺伺去處以報官兵擒
正因無團練之故是以人心渙散
捕此可知人心渙散之故也夫作賊難欺鄉里况嘯
聚殺人是何等事所以不敢首報不敢救護者皆畏
獲戾盜賊暮夜尋仇或如塘兵見殺或以茅舍供賊
人之一炬是以坐視恣行莫懷守望相助之心未經

約束團練勢孤心怯之故也。臺地二千餘里。卽如去

歲憲議添設營汛。尚虞地廣兵單。有鞭長不及馬腹

之患。乃兵不增而反減。營不增而反裁。較之未亂之

先單弱更甚。可不爲寒心乎。今郡治雖有協防兵二

千人。足供調遣。然計南路下淡水岡山。分去四百有

奇。北路下加冬半線。又分去四百。近者遊擊林秀都

司閭威署把總林時葉。張天寶。陳雲奇。先後帶兵協

防北路。又分去六百有奇。在郡所存防兵。及裁營候

補之衆。不過千人。經制各營。又多分守汛地。存營無

幾府治關係重大未可遂云兵力有餘也某不敏以
爲當今之時宜急訓練鄉壯聯絡村社以補兵防之
所不周家家戶戶無事皆農有事皆兵使盜賊無容
身之地所謂急則治其標不可須臾緩者也星星之
火或致燎原勿謂無傷其禍將長此時添兵不可增
營流涕不可坐觀其敝後悔何及鄙人不識時務權爲擅
專會商道府檄縣暫行聯絡鄉壯之法以固人心早
晚逸賊盡獲地方大定卽爲撤去仍行鄉約化導設
義學以教誨之不知憲臺以爲何如重洋遠隔請示

維艱總爲奠安疆圉起見許我罪我均罔敢辭

民怯兵單不得行團練拘牽文義必誤地方非
丈夫所爲也辯詰處如見宵匪肺肝殷憂處直欲
痛哭流涕此公忠爲國之文不得以詞氣激烈
少之

